



UNIVERSITÄTS-
BIBLIOTHEK
PADERBORN

Variorum In Europa Itinerum Deliciæ

Chyträus, Nathan

[Herborn], 1599

VD16 C 2803

Bruxellis.

[urn:nbn:de:hbz:466:1-70708](#)



B E L G I C A.

BRUXELLIS.

Anno 1558. exente Decembri in exequiarum
Caroli V. pompa funebri navis supra L. pe-
des longa Phil. regem Hispaniae admirabili
arte & opere præcessit, cuius sinistræ parti se-
quentia inscripta legebantur:

*Non auri sitis aut fama ambitiosa cupidio,
Non sceptri persuasit amor, tot adire labores:
Humani sed te generis pia cura coëgit,
Navibus ignotas investigare per oras,
Quis sacra inferres, populos Christoq; dicares,
Membra salutifera lustrans aspergine lympha.*

Fide Indis inventa,
Tuneto capto & restituto, captivisq; reductis.
Metone Coronæq; vi captis.
Germania Bohemiaq; sedatis.
Geldria recepta.
Alphrodiso deleto.

Ad latus dextrum.

*Successus neq; te, Casar, spes certa petiti,
Destituit: donec te littore solvit Ibero:
Neptuno sternente viam, & Tritonibus udis,
Auspiciis veneranda tuis, transq; aquora vecta
Religio, tandem auriferis allabitur Indis:
Luce nova irradians mersas caligine mentes.*

Mari pacato.
Tremisseno restituto.
Solymanno profligato.
Orbe novo invento.

DE PUPPI VEXILLUM MAGNUM DE-
pendebat, cum hac inscriptione:

Imp. Cæs. Carolo Max. P. F. Augusto, Gal. Indico, Turc. Africō, Sax. victori triumphatoriq; multarum gentium. Tametsi res ab eo terra mariq; gestæ, singularis humanitas, incomparabilis prudentia, ardentiss. religio satis terrarum orbi conspicuæ sunt: Resp. tamē Christiana ob memoriam justitiae, pietatis, virtutisque ejus: Victoriam Navem, quæ mundum circumivit, quem suis ipse victoriis illustravit, P. D. S. B. P.

Præterea quod novum orbem orbi nostro patefecerit: exteris gentibus Christiano nomini additis: multisq; regnis provinciisq; Hispaniar. aucto Imperio.

Quod Solymannum Turcarum imperatorem, cum ccc. m. equitum: c. m. peditum Germaniæ impendente, ruptis in fuga pontibus, amissisq; x v. millibus equitum in suos fines compulerit: Germaniâ servatâ.

Quod classe Peloponnesum invadens, civitates Turcarum Methonem & Coronem vi ceperit.

Quod Barbarossam tyrannum, cum c. c. m. peditum, xv. equitum m. prælio ad Carthaginem superatum; arce Goletana 1. x. triremibus, multis piraticis navibus, cum nautico bellicoq; apparatu, ipsa Tuneto, Hippone novo, Hippone Regio civitatibus captis; regno Tunetano, Imperioq; Libyæ spoliaverit: restituto, vestigaliq; facto veteri legitimoq; rege.

Quod undeviginti Christianorum captivorum milia eo bello liberata in patriam reduxerit.

Quod regnum Tremissen, devictâ prælio Mauritania Regi restituerit.

Quod Aphrodisium Libyæ nobilissimum emporium, Sussam, Monasterium & Clupeam classe ceperit: maritimasq; Libyæ civitates principesq; vestigales fecerit.

Quod duas Turcarum classes, nostrum mare infestantes, duobus præliis, altero ad littus Mauritaniæ, ad Siculum altero, deleverit.

Quod pristinam Reip. Januensium libertatem restituerit.

Quod

Quod Ducatum Mediolanensem, v. i. exercitibus hostium repulsis, tribusq; magnis præliis devictis, Imperio Rom. bis, Duci semel restituerit.

Quod præclaro rei militaris peritiæ exemplo, primum cunctando, mox longis difficultibusq; itineribus celeriter confessis, Albiq; trahisso, tumultuantis Germaniæ motus, pacata insuper Bohemia, victor sedaverit.

Quod contra Christiani nominis hostes sponte, contra Christianos non nisi lacestitus, & injuriam propulsans, arma sumpserit. Fortiss. Catholico Opt. q. Principi: titulos trophæaque, additis tumulo regnor. signis, devictarumq; gentium imaginibus; eadem Christiana Resp. majestati ejus devotiss. D.D.

Ad columnas Herculis navim sequentes.

*Jure tibi Herculeas sumpsiisti signa columnas,
Monstrorum domitor temporis ipse tu.*

E P I T A P H I U M C A R O L I V.
ex Guicciardino.

D E O O P T. M A X. S.

D. Carolo V. Imp. Cæs. Aug. Max. Indico, Turc. Afric. Germ. Hispaniæ, Siciliæ & Indianarum Regi, P. P. Principi potentiss. & invictiss. sacri Imperii liberatori, fundatori quietis, Christianæ Religion. acerrimo propugnatori, iustitia, animi magnitudine, prudentia, religione, clemencia, patientia, aliisq; insignibus virtutibus longe ornatiss. qui post ingentes ubiq; terrarum partas victorias, & clarissimos de Gallo, Turca, Afris, Ital, Germanis, actos triumphos, tot multis Indiae provinciis & insulis etiam præcis incognitis, per legatos magno Reipub. Christianæ ornamento inventis, atq; lustratis, deniq; post feliciter administratam, & prudenter constitutam Remp. Philippo filio tot amplissimis Hispan. Regnis, Flandriæ, & aliis provinciis inaugurato, Religione ductus ex Flandria in Hispaniam trajecit: seque in justum Hieronymiani ordinis cœnobium, ædibus illuc jussu ejus constructis, recepit, ubi reliquum vitæ, quod vix biennium fuit, tranquil-

lissimé egit, & sanctissimé obiit x i. CAL. Octob. M.D.
LVI. Joanna Lusitaniæ Princeps Hispaniarum guber-
natrix, patri opt. & max. P. Vix. ann. LVIII. mens. vi. die
XXVII. Imperavit ann. XL. Regnavit ann. XLIII.



ANTWERPIANA.

IN ANTWERPIAM JUL. CES
SCALIGER.

Opida quo spectant oculo me torva sinistro;
Tot nos invidia pallida tela petunt:
Lugdunum omnigenum est: opera Lutetia: Roma
Ingens: res Venetum vasta: Tolosa potens.
Omnimoda merces, artes priscaq; novaq;;
Quorum insunt alius singula, cuncta mihi.

IN AREA ARCIS ANTWERPIENSIS.

Ferdinando Alvarez à Toledo, Albæ Duci, Philippi IL
Hisp. apud Belgas præfect. quod extincta seditione, rebel-
libus pulsis, religione procurata, justitia culta, provincia
pacem firmarit, regis optimi minist. fideliss. positum.

IN MARIAE.

Henricus Ranzovius, Regis Daniæ in Ducatis Ad-
ministrator, Francisco ab Hallen Domino in Drakenburg
& Rintelem, ex equestri Brunsvicelium ordine nato, so-
cero suo, hac in urbe pie defuncto, anno nimurum 1553,
die 27. Septemb. marmoreum hoc monumentum con-
stituit: & jam secundum belli tumultibus destructum, in-
novavit.

IBIDEM.

Cornel. Scrib. Grapheus, præclaræ hujus urbis secre-
tis, sibi suisq; & Hadrianæ Philippiæ dulciss. uxori vivens
pos